

Contra a aprobación da presente ordenanza de conformidade co establecido no artigo 107.3 da Lei 30/92, de 26 de novembro de Réxime Xurídico das Administracións Públicas e Procedemento Administrativo Común só se poderá interpoñer recurso contencioso-administrativo no prazo de dous meses contados dende o día seguinte ó da publicación do texto da disposición impugnada no Boletín Oficial da Provincia e na forma establecida nas normas reguladoras de dita xurisdicción.

Non obstante tamén podera interponerse calquera outro recurso que o interesado estime procedente consonte a dereito, competente.

O Valadouro, a 27 de setembro de 2010.- O Alcalde-Presidente, Eulogio Fernández Sampayo.

R. 05076

Edicto

Quedando definitivamente aprobada a ordenanza reguladora da venda ambulante do Concello de O Valadouro, segundo acordo adoptado polo Pleno do Concello na sesión ordinaria celebrada o día 30 de xullo de 2010, e en cumprimento do disposto no artigo 70.2 da Lei 7/85, de 2 de abril, Reguladora das Bases do Réxime Local, modificada pola Lei 57/2003, de 16 de decembro de medidas para a modernización do Goberno Local, faise público o texto da ordenanza para a súa entrada en vigor:

ORDENANZA REGULADORA DA VENDA AMBULANTE EXPOSICIÓN DE MOTIVOS

A venda ambulante entendida como a realizada fora dun establecemento comercial permanente a través de mercados ou feiras ten unha ampla tradición e raigame no Concello de O Valadouro como o pon de manifesto a historia.

O Val no século XVI é mais gandeiro que agrícola. A primeira mención ó millo data de 1649 e as patacas son novidade na segunda metade do século XVII. No seguinte século expídense autorizacións para celebrar feiras e mercados en Vilacampa, Cadramón etc... así como do mercado semanal que todos os sábados se celebra na Vila de Ferreira e que data de 1665. Nun principio a celebración deste mercado atopouse coa oposición do Concello mindoniense, ata o punto de que "... El concejo mindoniense, viendo que en Ferreira, de la parroquia de Alaje, se celebraba sin autorización competente un mercado todos los sábados, ganó dos reales cédulas prohibiéndolo, pero el mercado continuaba celebrándose". Foi o entón cura de Budian, D. Angel Castañón, quen fundara o mercado e que nos seus sermóns instaba ós seus feligreses a que acudirán ó mesmo e rechazasen as imposicións do Concello de Mondoñedo.

En 1744, e segundo consta en documentos do Concello, existía entre outros na provincia de Mondoñedo, o mercado de Ferreira. Neste mercado semanal realizábase o intercambio e a compravenda de todo tipo de produtos da zona, convertíndose ademais na excusa perfecta para as relacións humanas.

A orixe da Vila de Ferreira debese o auxe do mercado que se celebraba arredor dunha antiga capilla, que ocupaba o espazo da praza actual. Por entón Ferreira era unha aldea, pertencente á veciña parroquia de Alaxe ata que o desenvolvemento económico e comercial fixo que no ano 1894 a Reina Rexente María Cristina, outorgáselle o título de Vila, que conserva na actualidade.

Na actualidade o mercado continua celebrándose con carácter regular tódolos sábados de cada mes contando na actualidade cunha media de 30 postos.

A regulación do mercado no Concello é a establecida na ordenanza municipal reguladora do exercicio da venda fora dun establecemento comercial permanente que foi aprobada polo Concello Pleno en sesión extraordinaria celebrada o día 8 de xuño de 1.988, e cuxo texto íntegro se publica no B.O.P. número 190 de data 19 de agosto de 1988, entrando en vigor ó día seguinte hábil ó da publicación.

A Directiva 2006/123/CE, do Parlamento Europeo e do Consello, do 12 de decembro de 2006, relativa aos servizos no mercado interior, impón aos Estados a obriga de eliminar todas as trabas xurídicas e barreiras administrativas inxustificadas á liberdade de establecemento e de prestación de servizos que se contemplan nos artigos 49 e 56 do Tratado de Funcionamento da Unión Europea (TFE) respectivamente.

A súa incorporación ao ordenamento xurídico español conduce á modificación da Lei 7/1996, do 15 de xaneiro, de Ordenación do Comercio Retailista, e ineludiblemente á reforma dos conseguintes desenvolvementos regulamentarios, co obxecto de axeitar o seu contido ás esixencias de supresión de trámites innecesarios e de simplificación de procedementos administrativos no outorgamento das autorizacións pertinentes en materia de comercio.

Aínda que con carácter xeral as actividades de servizos de distribución comercial non deben estar sometidas a autorización administrativa previa, no relativo ao exercicio da venda ambulante ou non sedentaria considerouse necesario o seu mantemento así como a introdución de certas modificacións, que a continuación expóranse, na medida que este tipo de actividade comercial require do uso de solo público que debe conciliarse con razóns imperiosas de interese xeral como a orde pública, a seguridade e a saúde pública.

Por outra banda, dada a escaseza de solo público dispoñible, o número de autorizacións deberá ser necesariamente limitado. Por iso, o procedemento de concesión debe ser público e transparente de xeito que, a pesar de que as autorizacións teñan unha duración limitada no tempo, poidan proporcionar un resarcimento xusto dos investimentos acometidas polos seus titulares.

Por todo o exposto plantéxase a necesidade de modificar a regulación contida na ordenanza municipal aprobada na sesión plenaria extraordinaria celebrada o día 8 de xuño de 1988 coa finalidade de:

- Adaptar a regulación vixente aos principios e obxectivos da Directiva Europea 2006/123, do 12 de decembro, relativa aos servizos no mercado interior e a legislación estatal e autonómica pola que se traspón ao dereito interno a Directiva de Servizos, nomeadamente:

- Lei 17/2009, do 23 de novembro, sobre o libre acceso ás actividades de servizo e ao seu exercicio.
- Lei 1/2010, do 1 de marzo, de reforma da Lei 7/1996, do 15 de xneiro, de Ordenación do Comercio Minorista.
- Lei 7/2009, do 22 de decembro, de modificación da Lei 10/1988, do 22 de xullo, de ordenación do comercio interior de Galicia.
- Real Decreto 199/2010, do 26 de febreiro, polo que se regula o exercicio da venda ambulante ou non sedentaria.

CAPÍTULO I. DISPOSICIÓNS XERAIS.

Artigo 1.- Títulos competenciais.

A presentación ordenanza dítase en virtude das competencias que se atribúen ao municipio en virtude de canto se dispón polos artigos 25.2. e 84.1 da Lei 7/1985, do 2 de abril, Reguladora das Bases de Réxime Local; 22 a 27 da Lei 10/1988, de 20 de xullo, de ordenación do comercio interior de Galicia; nos artigos 1 e 5 do Regulamento de Servizos das Corporacións Locais, e polos artigos 13 e seguintes do Decreto 194/2001, de 26 de xullo, de ordenación de venda ambulante.

Artigo 2.- Obxecto.

Esta ordenanza ten por obxecto regular, con carácter xeral, a venda que se realice polos comerciantes fóra dun establecemento permanente, de forma habitual, ocasional, periódica ou continuada, nos lugares que se sinalan no artigo 2, dentro do termo municipal, en instalacións desmontables ou transportables, así como en vehículos tenda.

Ademáis do disposto pola presente ordenanza, a venda ambulante rexerase polo establecido na Lei 10/1988, de 20 de xullo, de Ordenación do Comercio interior de Galicia, no Decreto da Consellería de Industria e Comercio 194/2001, de 26 de xullo de ordenación da venda e polas normas sectoriais reguladoras da venda e comercialización de cada produto en concreto, en especial os regulamentos técnico sanitarios aplicables á produción e comercialización de cada produto.

Artigo 3.- Concepto e modalidades de venda ambulante.

Considérase venda ambulante a realizada polos comerciantes fóra dun establecemento comercial permanente, de forma habitual, ocasional, periódica ou continuada, nos lugares que se indican no artigo 2, da presente ordenanza, en instalacións desmontables ou transportables, incluídos os camións tenda e demais vehículos de venda ambulante.

A venda ambulante só poderá realizarse baixo as seguintes modalidades:

- Venda ambulante en mercados periódicos: Son aqueles que se celebran con periodicidade preestablecida, xa sexa con ocasión da celebración de feiras tradicionais ou especificamente como mercado ambulante.
- Venda ambulante en mercados ocasionais: Son aqueles que se celebran de maneira non periódica en razón a festas ou acontecementos populares.
- Venda ambulante en camións-tenda con carácter itinerante nos lugares e cos itinerarios que se autoricen polo Concello.

Artigo 4.- Exclusiones.

De conformidade con canto se establece polo artigo 2.4 do Decreto 194/2001, de 26 de xullo non terá consideración de venda ambulante:

- Actividades comerciais reguladas pola Lei 1/1996, de 5 de marzo, de actividades feriais de Galicia e as súas normas de desenvolvemento.
- Venda directa exercida polos agricultores do termo municipal ou nos termos limítrofes, limitada á súa propia produción.
- Venda de obxectos artesanais realizados polos propios produtores, con motivo de festas, feiras ou acontecementos populares.
- Venda puramente ocasional de xornais, plantas e flores, así como de obxectos usados de pertenza particular do vendedor.

Tampouco teñen a consideración de venda ambulante a venda a distancia nin a venda automática mediante máquinas preparadas ó efecto.

Non obstante ó exposto os agricultores e artesanais que realicen este tipo de venda utilizando as vías públicas están suxeitos ás normas de funcionamento establecidas na presente ordenanza así como as obrigas que se indican no Capítulo IV así como, no seu caso, ó réxime de infraccións e sancións do Capítulo V.

Artigo 5.- Productos cuia venda se autoriza.

Productos autorizados nos mercados periódicos ou ocasionais: Poderán ser ofrecidos á venda artigos textiles, de artesanía, bisutería, marroquinería, calzado, confección, droguería, artigos de coiro ou pel, de ornato de pequeno volume, así como productos alimenticios que non estean expresamente prohibidos pola normativa vixente.

Productos dos que a venda se autoriza en camións-tenda: Pan, froita, queixos, productos envasados, peixe fresco e conxelado, así como outros productos alimenticios nos que a súa venda en réxime de ambulancia estea autorizada pola normativa estatal ou autonómica aplicable ós mesmos.

CAPÍTULO II. NORMAS DE FUNCIONAMENTO.

Artigo 6.- Mercados ocasionais e camións tenda.

A organización, intervención e inspección da venda ambulante correspóndelle ó Alcalde-Presidente ou concelleiro en quen delegue.

Mediante resolución da Alcaldía fixaranse os días de celebración dos mercados ocasionais, así como o lugar ou lugares e horarios de celebración dos mesmos:

A venda en vehículos tenda poderá realizarse en días laborais, das 10 ás 20 horas.

Artigo 7.- Mercados periódicos.

Os mercados periódicos celebraranse tódolos sábados na Praza de Santa María e co seguinte horario de 8:00 a 14:00 horas.

Os lugares de ubicación dos postos de venda serán obxecto de sinalización no correspondente plano e a venda só poderá efectuarse no lugar asinado.

Para supostos ou eventos excepcionais por resolución da Alcaldía poden habilitarse espazos distintos dos sinalados.

Os postos desmontables non poderán situarse en accesos a edificios de uso público, establecementos comerciais, nin en lugares que dificulten o acceso e a circulación peonil.

Artigo 8.- Requisitos xerais de productos e postos.

Os productos frescos que vendan deberán estar en perfectas condicións hixiénicas e de calidade, sen que poidan ocasionarse riscos para a saúde ou seguridade dos consumidores.

Deberán impedirse que os productos alimenticios estean en contacto co chan, debendo adoptarse as medidas precisas de protección manual mediante luvas, tanto para o vendedor como para os compradores co fin de impedi-lo contacto directo das mans cos productos.

Os utensilios que se utilicen para a venda de productos alimenticios, sen envasar, así como os mostradores, deberán estar en perfectas condicións hixiénicas.

Artigo 9.- Requisitos dos vehículos tenda.

Os vehículos-tenda deberán cumprir-los seguintes requisitos:

En todo caso deberán contar con furgón separado fisicamente da cabina do conductor.

Vehículos destinados á venda de peixe fresco: Deberán contar coas seguintes especificacións técnicas:

Vehículo isoterma homologado.

Xeo cunha temperatura no centro das pezas entre 0 e 7 graos centígrados.

Inclínación do chan para evacuación da auga de fusión.

Superficies interiores lisas e unións redondeadas.

Bidón auxiliar de auga potable en cantidade suficiente, toallas dun só uso e xabón líquido.

Caldeiro para residuos ou bolsas de plástico.

Vehículos para venda de peixe conxelado:

Vehículo frigorífico homologado.

Temperatura dos produtos igual ou inferior a -18 graos centígrados.

Rexistro gráfico de temperatura.

Superficies lisas e unións redondeadas.

CAPÍTULO III. MODALIDADE DE INTERVENCIÓN.

Artigo 10.- A autorización previa.

1. A venda ambulante constitúe un servizo que para o seu exercicio polos comerciantes esixe o uso especial do dominio público local, en especial na súas modalidades de mercadillos habituais ou non, con indicencia directa na seguridade vial polo uso que para a mesma se fai das prazas e rúas, e na saúde pública, de maneira que todo control a posterior do seu exercicio devén ineficaz. As razóns imperiosas de interese xeral que concurren nesta actividade xustifican o réxime de autorización previa que se establece na presente ordenanza.

O exercicio da venda ambulante, en calquera das súas modalidades, requirirá a previa autorización municipal correspondente, que será expedida polo Sr. Alcalde-Presidente ou órgano municipal no que delegue.

2. A autorización terá unha vixencia de CINCO ANOS, periodo que se considera suficiente para amortizar os custes en que se encorre polos vendedores, en especial nos supostos de vehículos tenda.

3. Atendendo á limitación do número de autorizacións e a temporalidade das mesmas a concesión das mesmas estará sometido ao réxime de competencia competitiva, agás nos supostos de venda en camión tenda.

Artigo 11.- Da solicitude de autorización.

1. Poden exercer a actividade de venda ambulante as persoas físicas e xurídicas que teñan capacidade xurídica e de obrar e sexan titulares da previa autorización municipal.

As persoas interesadas na obtención da correspondente autorización municipal para o exercicio da venda ambulante, presentarán ante o Concello solicitude de acordo co modelo normalizado que figura no anexo I da presente ordenanza, especificando os seus datos persoais e produtos que pretende comercializar.

2. Á solicitude deberá unirse unha declaración responsable, segundo o modelo establecido no anexo II desta ordenanza, na que se fará constar necesariamente os seguintes extremos:

a) Que cumpre tódolos requisitos establecidos para o exercicio da venda ambulante na Comunidade Autónoma de Galicia e que está inscrito no Rexistro de Comerciantes Ambulantes de Galicia, regulado polo Decreto 199/2001 de 26 de xullo, e que tal inscrición está vixente na data da declaración.

b) Que está en posesión da documentación que así o acredita a partir do comezo da actividade.

c) Que se compromete a manter o seu cumprimento no prazo da vixencia da autorización.

A declaración responsable, comprenderá, ademais, os seguintes extremos:

a) Estar dado de alta no epígrafe correspondente do imposto de actividades económicas e ao corrente no pagamento da tarifa.

A circunstancia de estar dado de alta e ao corrente do pagamento do imposto de actividades económicas ou, se é o caso, no censo de obrigados tributarios, deberá ser acreditada, a opción do interesado, ben por el mesmo, ben mediante autorización á Administración para que verifique o seu cumprimento

b) Observar ao corrente no pagamento das cotizacións da Seguridade Social.

c) Reunir as condicións esixidas pola normativa reguladora do produto ou produtos obxecto da venda ambulante ou non sedentaria.

d) No caso de estranxeiros, deberá acreditarse, estar en posesión do permiso de residencia e de traballo ou documentación que xustifique que está en trámite de obtela ante o organismo competente, os devanditos permisos.

e) Cando o venda se realice por persoa distinta do titular da licenza, acreditación do correspondente contrato laboral e alta na seguridade social

3. Á declaración responsable deberá unirse os documentos acreditativos do cumprimento dos requisitos establecidos no parágrafo anterior que poderán ser substituídos pola acreditación de estar inscrito no Rexistro de Comerciantes Ambulantes de Galicia, agás o previsto na letra f).

Artigo 12.- Criterios para a adxudicación de postos de venda ambulante en mercadillos periódicos e ocasionais.

Atendendo á limitación do número de autorizacións e a temporalidade das mesmas para a súa concesión articularase un procedemento de concorrencia competitiva. O procedemento concorrenciaal será convocado polo señor Alcalde-presidente quen tamén aprobará as bases que rexerán a convocatoria.

Entre os méritos a ter conta estarán os seguintes:

- Antigüidade como vendedor ambulante.
- O feito de non ter sido sancionado polo exercicio da venda ambulante no municipio.

Artigo 13.- Da autorización de venda ambulante.

A autorización municipal será persoal e acreditarase mediante a entrega da correspondente tarxeta, segundo o modelo do Anexo II no que se fará constar:

- Nome e apelidos do titular, domicilio e DNI/NIF.
- Actividade que desenvolve e artigos de venda.
- Lugares e itinerarios, para o que se autoriza a venda ambulante. A autorización sinalará no caso dos mercadillos a dimensión do posto adxudicado.
- Determinación do número de persoas habilitadas para a venda baixo a dependencia do titular da autorización.
- Referencia á obriga de cumprila normativa xeral de ordenación do comercio, disciplina de mercado e protección do consumidor.
- Condicións particulares ás que, no seu caso, quede suxeito o titular.
- Período de vixencia da autorización.

O devandito carné ou copia cotexada do mesmo, deberá ser exhibido polo comerciante durante o exercicio da actividade.

Poderán exercer-la actividade, ademáis do titular, o seu cónxuxe e fillos autorizados no carné e as persoas vinculadas ó titular mediante contrato laboral.

A autorización municipal terá unha vixencia de un ano.

A solicitude resolverase no prazo de UN MES. De non recibir notificación da resolución expresa no prazo indicado entenderase que a solicitude foi desestimada por silencio negativo, atendido canto se establece polo artigo 43 da Lei 30/1992, xa que a súa concesión supón transferir ao solicitante facultades sobre o dominio público local e afecta ás razóns imperiosas de interese xeral invocadas no artigo 10.1 desta ordenanza.

A autorización será transmisíble nos termo do artigo 3.2 do Real Decreto 199/2010, do 26 de febreiro.

CAPÍTULO IV. OBRIGAS.

Artigo 14.- Taxas.

A venda ambulante, en tódalas modalidades, devengará a taxa que, no seu caso, se impoña e regule mediante a correspondente ordenanza fiscal.

Artigo 15.- Obrigas.

Son obrigas dos titulares das autorizacións para o exercicio da venda ambulante así como calquera persoa que ocupe a vía pública para a venda, as seguintes:

- Ter a colocada en lugar visible para para consumidores a lista de prezos.
- Ter colocada en lugar visible a tarxeta municipal de vendedor ambulante autorizado.
- Deixar limpo de residuos, desperdicios ou envoltorios o espazo do posto concedido no suposto de mercados ocasionais.
- Exercer pública e pacificamente a actividade sen producir molestias ó vecindario.
- Acata-las ordes da Autoridade municipal ou da persoa encargada da boa orde de desenvolvemento da actividade facilitando toda a documentación que lle sexa requerida.
- Repara-los desperfectos que se ocasionen nos bens de titularidade municipal.
- Cumpri-las disposicións da presente ordenanza e de todas aquelas obrigas que se deriven de cantas disposicións legais e regulamentarias fosen de aplicación.

Así mesmo, queda prohibido usar aparellos de megafonía que polo seu volume molesten ó vecindario.

CAPÍTULO V. INFRACCIÓNS E SANCIÓN S.

Artigo 16.- Competencia sancionadora.

Segundo a lexislación vixente correspóndelle ós Concellos a inspección e sanción en materia de venda ambulante, sen prexuízo das competencias atribuídas a outras administracións.

As infraccións da presente ordenanza serán sancionadas segundo a normativa vixente, previa instrucción do expediente sancionador que será resolto polo Alcalde.

Serán de aplicación ás infraccións recollidas nesta ordenanza, as regras e principios sancionadores contidos na lexislación xeral sobre Réximen Xurídico das Administracións Públicas e do Procedemento Administrativo Común.

En ningún caso se podrá impoñer una dobre sanción polos mesmos feitos e en función dos mesmos intereses públicos protexidos, se ben deberán esixirse as demais responsabilidades que se deduzan doutros feitos ou infraccións concorrentes.

Artigo 17.- Clasificación das infraccións.

As infraccións poden ser leves, graves ou moi graves.

Son infraccións leves as seguintes:

- Incumprimento do horario.
- Incumprimento das obrigas de información o publicidade fronte aos adquirentes: Falta de lista de prezos ou tela en lugar non visible para o público.
- Incumprimento da deber de exhibir a autorización municipal para o exercicio da venda ambulante tarxeta municipal de vendedor ambulante autorizado).
- Calquera outra infracción da presente ordenanza que non estea expresamente tipificada como infracción grave ou moi grave.

Son infraccións graves:

- A reiteración ou reincidencia nunha falta leve.
- Ejercer a actividade por persoa non autorizada.

- A negativa ou resistencia a suministrar datos ou facilitar a información requerida polas autoridades competentes ou polos seus axentes para o cumprimento das funcións de información, vixilancia, investigación, tramitación e execución; así como o suministro de información inexacta o documentación falsa.

- O depósito de mercadorías fora do camiión tenda.
- A venda fóra do lugar autorizado.
- Non deixar limpo ao remate do mercado o espacio ocupado polo posto.
- Verter directamente na rúa auga ou outros líquidos da coción do polbo ou dos empregados para a limpeza xeral do posto.

Son infraccións moi graves:

- Reiteración ou reincidencia en calquera falta.
- Venda de artigos non autorizados, caducados ou en deficientes condicións hixiénico sanitarias.
- Infraccións en materia sanitaria tanto no que respecta ó vehículo como ós produtos vendidos.
- A venda ambulante sen autorización ou con ela caducada.

Artigo 18.- Reincidencia.

Entenderase que existe reincidencia, cando se cometa unha infracción análoga á que motiva a sanción anterior no prazo do ano seguinte ao da notificación desta. En tal suposto requirirase que a primeira resolución sancionadora houbera adquirido firmeza en vía administrativa.

Artigo 19.- Sancións.

Pola comisión de infraccións poderán impoñerse as seguintes sancións:

Por infracción leve: Multa de ata 300,00 euros.

Por infracción grave: Multa de entre 300,00 euros e 900.00 euros.

Por infracción moi grave: Multa de entre 900,00 euros e 1.500,00 euros.

Como sanción accesoria poderá acordarse a revocación da autorización para realiza-la venda ambulante para o caso de infraccións graves e moi graves.

Artigo 20.- Graduación.

Para a graduación das infraccións e sancións aplicables terase en conta a trascendencia social da infracción, o comportamento do autor, a contía global da operación obxecto de infracción, a afección á saúde, salubridade e ornato público, a cuantía do beneficio obtido con ela, a natureza dos produtos vendidos, a categoría e a solvencia económica do comerciante.

Artigo 21.- Prescripción.

As infraccións previstas nesta ordenanza prescribirán se son leves aos dous meses, se son graves ao ano e as moi graves aos dous anos.

Disposición adicional primeira.

Os agricultores e gandeiros que vendan directamente os seus propios produtos non necesitarán autorización municipal de venda ambulante aínda que si deberán respecta-las normas de funcionamento do mercado.

Disposición transitoria primeira.- As autorizacións en vigor na data de aplicación desta ordenanza, conservarán a súa vixencia durante os cinco anos seguintes contados desde a data de entrada en vigor desta ordenanza.

Disposición derogatoria.

Queda derogada a ordenanza municipal reguladora do exercicio da venda fora dun establecemento comercial permanente aprobada polo Pleno do Concello na sesión extraordinaria celebrada o día 8 de xuño de 1988 e publicada no Boletín Oficial da Provincia número 190 de data 19 de agosto de 1988.

Disposición final: A presente ordenanza entrará en vigor logo da súa publicación íntegra no Boletín Oficial da Provincia e teñan transcurridos os quince días a que fai referencia o artigo 65.2 da Lei 7/1985, do 2 de abril, Reguladora das Bases do Réxime Local.

DECLARO RESPONSABLEMENTE

Que cumpre tódolos requisitos establecidos para o exercicio da venda ambulante na Comunidade Autónoma de Galicia e que está inscrito no Rexistro de Comerciantes Ambulantes de Galicia, regulado polo decreto 199/2001 de 26 de xullo, e que tal inscrición está vixente na data da declaración

Que está en posesión da documentación que así o acredita a partir do comezo da actividade.

Que se compromete a manter o seu cumprimento no prazo da vixencia da autorización.

Que está dado de alta no epígrafe correspondente do imposto de actividades económicas e ao corrente no pagamento da tarifa. Esta circunstancia deberá ser acreditada, a opción do interesado, ben por el mesmo, ben mediante autorización á Administración para que verifique o seu cumprimento

Que está ao corrente no pagamento das cotizacións da Seguridade Social.

Que o produto/os de venda reúnen as condicións esixidas pola normativa reguladora do dos mesmos para a súa venda ambulante ou non sedentaria.

Uno a esta declaración responsable os documentos acreditativos do cumprimento dos requisitos antes declarados mediante copia dos memos ou, no seu caso, acreditación de estar inscrito no Rexistro de Comerciantes Ambulantes de Galicia, agás o previsto na letra e) do artigo 11.2 desta ordenanza.

Achego con esta declaración copia do contrato de traballo e acreditación da alta no réxime xeral da Seguridade Social das persoas empregadas para o desenvolvemento da venda ambulante.

Nota.- No caso de estranxeiros, deberá acreditarse, estar en posesión do permiso de residencia e de traballo ou documentación que xustifique que está en trámite de obtela ante o organismo competente, os devanditos permisos.

Data e sinatura

ANEXO III**DESEÑO DA TRAXETA/LICENZA**

Nome Apelidos Domicilio

DNI/NIF.

Actividade que desenvolve e artigos de venda:

Lugares e metros cadrados do posto:

Itinerarios, para o que se autoriza a venda ambulante (Para camións tenda)

Persoas habilitadas para a venda:

Condicións particulares:

Período de vixencia da autorización: Cinco (5) anos.

Contra a aprobación da presente ordenanza de conformidade co establecido no artigo 107.3 da Lei 30/92, de 26 de novembro de Réxime Xurídico das Administracións Públicas e Procedemento Administrativo Común só se poderá interpoñer recurso contencioso-administrativo no prazo de dous meses contados dende o día seguinte ó da publicación do texto da disposición impugnada no Boletín Oficial da Provincia e na forma establecida nas normas reguladoras de dita xurisdicción.

Non obstante tamén podera interponerse calquera outro recurso que o interesado estime procedente consonte a dereito, competente.

O Valadouro, a 27 de setembro de 2010.- O Alcalde-Presidente, Eulogio Fernández Sampayo.

R. 05077